

gazzetta da scuola

2 / 2021
gün, 6. annada

Nos üert da scola

L'idea per s-chaffir üerts da scola resulta d'ün lavuratori per la promoziun d'ün svilup persistent da natüra, cultura e cuntrada.




Insembel culla Pro Terra Engiadina (PTE) vaina elavurà ün concept per s-chaffir ün üert dasper nos-sa scola ad Ardez. Nus vain badà cha grazcha a l'üert da scola pudaina far ün'instrucziun biologica pratica chi spordscha als uffants la pussibilità da festifichar la relaziun culla natüra, da promover la la-

vur in gruppas, da svagliar l'interess per lavur e per la natüra e da promover ün pensar prevezant.

Cun s-chaffir nos üert pudaina eir sco scola contribuir üna part a l'augment da spazi da biodiversità, üna tematica fich actuala.



Quist d'eiran las lavurs fin uossa :



Sortidas

OTTIGLIA AUGUSTIN

Sainza interrupziun es Ottiglia Augustin il plü lönch da tuot las collegas e tuot ils collegas actuals illa scoula da Scuol, daspö il 1991. In tuot quists ons ha ella instrui in tuot ils s-chalins da la scoula primara. Ella ha passantà diversas refuormas da scoula, ha elavurà svesv differents mezs d'instrucziun ed ha eir adüna adattà si'instrucziun a las novas circumstanzas. Bleras scholaras e scholars dal s-chalin ot han gust cun passar vers sala da gymnastica da salüdar amo svelt a duonna Ottiglia, schi tilla inscuntran davant sia stanza da scoula. Davo 30 ons a Scuol s'ha ella decisa dad ir in pensiun e da müdar domicil e tuornar in sia patria d'infanzia, a Tschlin. Nus sperain da tilla verer però inavant qua o là a Scuol e giavüschain per seis temp davo la pensiun sandà, furtüna e bler plaschair cun tuot sias occupaziuns.

NATALIA LEHNER

Natalia Lehner ha cumanzà sco muossadra la prüma jada a Scuol l'on 1992. Quella jada d'eira ella amo illas localitats veglias da la Chasa du Parc. Daspö il 2012 es ella darcheu muossadra quia a Scuol ed ha adüna pratichà seis manster cun corp ed orma. La situaziun cun fich bleras scholarinas e fich blers scholarins ill'istessa scoulina e la sfida da surgnir üna gruppa cun uffants cun premissas fich differentas e da differentas linguas maternas, nun es adüna statta uschè simpla. Ella ha però adüna savü tour il temp per mincha pisser dals genituors. Uossa s'allegra ella da pudair far ün müdamaint e surtour üna scoulina plü pitschna a Valsot. Per sia nouva piazza tilla giavüschaina blera satisfacziun ed ingrazchain fich per tuot ils bels mumaints cha nus vain pudü passantar cun ella quia a Scuol.

ARMON PAROLINI

Armon Parolini instruischa daspö il 2007 sainza interrupziun illa scoula da Scuol. Vairamaing es el però stat bainquant plü lönch magister a Scuol, daspö il 1977. Tanteraint s'ha el dedichà a l'informatica e manà üna firma e tras quai ha el pratichà dūrant 10 ons ün'otra professiun. Armon es adüna stat ingaschà pella lingua rumantscha e pel chant. Quai til sta specialmaing a cour. El ha fat quai cun s'ingaschar in differentas societats da nos cumün e cun realisar adüna darcheu progets da teater e musicals cun sias scholaras e cun seis scholars. Per seis avegnir til giavüschaina tuot il bun. Nus eschan persvas ch'el nu varà lungurus cun tuot seis hobis.

BERNI RIEDI

Daspö il 2000 instruischa Berni Riedi a scholaras e scholars dal s-chalin ot da Scuol. In pacs dis cumplscha el il 65avel anniversari e po ir illa pensiun meritada. Berni es stat dūrant tuot sia vita professiunala ün magister cun corp ed orma, il prüm a l'Institut Otalpin da Ftan e lura passa 20 ons illa scoula da Scuol. El ha dat instrucziun dūrant ils ultims 21 ons in 4 differentas linguas – sper la lingua rumantscha ch'el discuorra e scriva sco inchün nat e creschü sü in Engiadina – in tudais-ch, frances, talian ed inglais. Dasper sia instrucziun s'ha el eir ingaschà fich pro arrandschamaints specials, p. ex. pro'l Nadal da scoula. Per seis temp davo la pensiun til giavüschaina blera satisfacziun in seis üert e bleras bellas gitas cun seis velo.

KATRIN TISSI

Eir pro la demischuiun da Katrin Tissi nu's tratta dad inchün chi'd ha gnü be ün cuort sogiuorn illa scoula da Scuol. Davo ch'ella ans ha sustgnü dūrant 1 on sco magistra da classa dal s-chalin d'immez e ch'ella es statta 6 ons presidenta dal cussagl da scoula, s'ha ella decisa da restar inavant fidela a la scoula da Scuol. Ella instruischa daspö il 2011 ad uffants chi nun han adüna uschè simpel in lur situaziun, ad uffants da lingu'estra chi rivan tuot in üna jada in ün ambiaint cumplettaing ester. Els ston suvent imprender rumantsch e tudais-ch al listess mumaint, sper il sistem da scoula chi'd es per blers fich different da quel chi d'eiran adüsats. Ella fa quai cun üna fich gronda paschiun e s'ingascha adüna per cha quists uffants hajan eir plaschair da gnir a scoula. Seis hom s'allegra sgüra ch'ella ha uossa daplü temp per til accompagnar sün viadis cun bleras bellas aventüras.

NATAGLIA RONER

Daspö il 2017 ha Nataglia Roner instrui sco magistra da rom cun ün pensum da lavur parzial sül s-chalin ot da Sent. Ella ha dūrant ils ultims ons instrui ils roms “Rumantsch” e “Natüra e Tecnica”. In buna memoria ans restan garanti ils differents progets da biologia ch'ella ha organisà e realisà dūrant quist temp. Uossa es ella gnüda pella terza jada mamma e s'ha decisa da desdir sia piazza da lavur e da far intant üna posa dal manster. No tilla ingrazchain per tuot sia lavur prestada a favur da la scoula e dals scholars e tilla giavüschain tuot il bun per seis avegnir.

Entradas

NINA MAGNI

Nina Magni es creschüda sü a Zuoz ed ha discurrü adüna rumantsch a chasa. Davo avair fat la matura a l'Academia Engiadina a Samedan, s'ha ella decisa da far il stüdi da magistra primara a la Scoul'ota da pedagogia a Cuoir. Ün da seis practicums ha ella fat illa scoula primara da Tarasp, uschè cha eir nossa regiun nu tilla es incuntschainta. Ella surpiglia in avuost da quist'on üna da las prümas classa primaras e sustegna amo in singulas lecziuns ad otras classas pro l'instrucziun da nodar. A Nina giavüschaina üna buna partenza e blera satisfacziun culla vocaziun da magistra primara.

SARA RAUCH

Davo la scoula populara a Scuol ha Sara Rauch frequentà il gimnasi a l'Academia Engiadina a Samedan. Daspö il 2018 frequainta ella la Scoul'ota da pedagogia a Cuoir e finischa il stüdi in gүн da quist on. Dūrant l'ultim on ha ella fat fingià pitschnas experiencias d'instruir a Scuol cun far cuorts rimplazzamaints in situaziuns da corona. In avuost surpiglia ella la 4. classa chi ha gnü fin uossa instrucziun pro Selina Kurath e daspö il congedi da maternità pro Marina Jann. Nus tilla giavüschain tuot il bun per sia nouva incumbenza.

MICHELLE FOERY

Michelle Foery cumainza in avuost a lavurar sül s-chalin ot da la scoula da Sent cun plü o main ün mez pensum da lavur. Ella instruischa ils roms “Tudais-ch”, “Inglais”, “Musica e Chant” e surpiglia l'incumbenza sco magistra da classa. Michelle es creschüda sü i'l chantun Turich ed es daspö 14 ons magistra dal s-chalin ot. Daspö la stà 2019 sta ella cun sia famiglia a Scuol. No vain plaschair da pudair bivgnantar a Michelle quia illa scoula da Sent e tilla giavüschain bler plaschair e satisfacziun in sia nouva piazza da magistra.

SUSANNA BÜSING

Susanna Büsing cumainza in avuost sia piazza da lavur sül s-chalin ot da la scoula da Sent. Ella parta la piazza da lavur cun Michelle Foery. Ella instruischa ils roms “Spazi Temp e Società, “Natüra e Tecnica” e «Movimaint e Sport». Susanna es creschüda sü a Scuol ed ha absolt tuot las scoulas obligatorias a Scuol e'l gimnasi a Ftan. Ella es daspö 10 ons magistra dal s-chalin ot. Davo avair vivü ün pēr ons illa Svizra francesa vain ella quista stà a star quia cun sia famiglia. No vain plaschair da pudair bivgnantar a Susanna darcheu quia illa regiun sco magistra dal s-chalin ot e tilla giavüschain da tuot cour ün bun cumanzamaint.

ANNALEA RONER

Annalea Roner cumainza prossem on da scoula sia piazza da lavur in pensum parzial sül s-chalin ot da la scoula da Sent. Ella instruischa ils roms “Inglais” e “Rumantsch”. Annalea es creschüda sü a Scuol ed ha absolt tuot las scoulas obligatorias e'l gimnasi quia illa regiun. Sia scolaziun sco magistra dal s-chalin ot ha ella fini giò dal 2015 a Turich. Davopro ha ella instrui ün pēr ons sco magistra a Basilea Cità. Daspö quist on sta ella cun sia famiglia darcheu quia illa regiun e quai a Zernez. No tilla giavüschain ün bun cumanzamaint e blera satisfacziun e plaschair in sia nouva piazza illa scoula da Sent.




CÉLINE MOLINARO

Cun grond plaschair pudaina bivgnantar a Céline Molinaro sco nouva pedagoga curativa. Ella es creschüda sü illa Surselva ed abita uossa cun sia famiglia a Sent. Davo seis giarsunadi d'assistenta da farmazia ha ella fat il stüdi da magistra primara a Cuoir. A partir da l'on da scoula 2021-2022 surpiglia Céline il pensum da pedagoga curativa a Ftan. Ad ella laina giavüschar üna buna partenza e blera satisfacziun per sia nouva piazza.

AITA BAZZELL

Aita Bazzell da Ftan, es gnüda eletta per accompagnar a la muossadra culs uffants da la scoulina a god. Da cour tilla laina bivgnantar e giavüschar bleras bellas uras culs uffants our il liber.



Scoula Scuol

Organisaziun
Manader da scoula
Secretaria
Pedels
Telefon secretariat
Telefon stanza da magisters
Telefon pedels
E-mail

Uras da büro

Mario Rauch
Gretta Ursina Garcia-Nogler
Elmar Schöpf, Francisca Teixeira
081 861 27 62
081 861 27 63
081 861 27 60
mario.rauch@miascoula.ch
gretta.garcia@miascoula.ch
secretariat@scoula-scuol.ch
lündeschdi • 14:00-15:00
gövgia • 14:00-15:00

Scoula Sent

Organisaziun
Manader da scoula
Pedel
Telefon
Telefon manader
Telefon pedel
E-mail
Uras da büro

Gian Caviezel
Silvio Vital
081 864 05 52
081 864 05 52
081 864 05 52
gian.caviezel@miascoula.ch
mardi • 15:15 - 16:15
gövgia • 15:15 - 16:15

Scoula Ftan

Organisaziun
Manadra da scoula
Pedella
Telefon stanza da magisters
Telefon pedella
E-mail
Uras da büro

Martina Näff-Benderer
Raja Schulze
081 864 09 29
081 860 38 24
martina.naeff@miascoula.ch
lündeschdi • 14:00 - 15:00
gövgia • 14:00- 15:00

Scoula Tarasp

Organisaziun
Manadra da scoula
Pedella
Telefon
Telefon pedella
E-mail
Uras da büro

Agläia Gallmann
Seraina Ammann
081 864 01 29
078 764 61 79
aglaia.gallmann@miascoula.ch
gövgia • 14:15 - 15:00

Scoula Ardez

Organisaziun
Manadra da scoula
Pedella
Telefon stanza da magisters
Telefon pedella
E-mail
Uras da büro

Duri Janett
Marie Luise Taisch
081 862 23 10
079 469 12 03
duri.janett@miascoula.ch
mardi • 13:30-15:00

Infuormaziuns



Mutaziuns

SELINA KURATH E MARTINA SCHUDEL

Davo la naschentscha da sia figlia Nora ha Selina Kurath decis da desdir sia piazza sco magistra dal s-chalin d'immez da la scoula primara. l'ns fa plaschair ch'ella ha decis da restar però parzialmaing fidela a la scoula da Scuol. Selina e Martina Schudel surpiglian insembel la piazza parziala da Katrin Tissi. Fin uossa ha Martina instrui illa scoula da Ftan sco pedagoga curativa ed a Scuol sco magistra da nodar. Tuot il bun ad ellas duos pella nouva incumbenza e pella flexibilità chi'd es importanta in situaziuns chi nu sun adüna pussiblas da planisar lönch avant il cumanzamaint da l'on da scoula. Güst in quella piazza as stoja suvent saglir ill'aua fraida cur chi vain tuot üna jada l'infuormaziun cha ün'eivna plü tard cumainza ün nouv scolar sainza cugnuschentscha da linguas nazionalas la scoula in nos cumün.

CLAUDIO MELCHER

Davo avair instrui 11 ons illa scoula da Sent sül s-chalin ot s'ha Claudio Melcher decis da müdar lö da lavur e da surtour üna piazza da magister dal s-chalin ot illa scoula da Scuol. Claudio s'ha dūrant quists 11 ons ingaschà cun corp ed orma a favur da la scoula e dals uffants da Sent. Grazcha a seis ingaschamaint vaina tanter oter eir pudü professionalisar tuot l'infrastructura da medias ed informatica. In bun'algordanza ans restan garanti eir ils differentes progets da teater cul s-chalin ot ch'el ha inizià e realisà insembel cun seis collegas. No til ingrazchain fich per tuot sia lavur prestada e til giavüschain blera satisfacziun e plaschair in sia nouva piazza da lavur.

SARA BÜSING

Sara Büsing banduna la scoulina da Sent davo ün on da scoula. Ella ha lavurà dūrant quist on da scoula a Scuol in plüssas scoulinas sco magistra da promozion linguistica ed a Sent sco muossadra. Ella ha surgni per prossem on da scoula üna piazza plaina da muossadra illa scoulina da Scuol. Per seis ingaschamaint e sia flexibilità dūrant quist on da scoula tilla ingrazchaina e tilla giavüschain blera satisfacziun per sia nouva sfida.

SERAINA TAISCH

Seraina Taisch ha cumanzà sco muossadra a Scuol dal 2007. Davo üna posa dūrant ils prüms ons da vita da seis figls, ha ella avant ün on darcheu cumanzà ad instruir parzialmaing illa scoulina Muntanella. l'ns fa grond plaschair ch'ella resta fidela a las scoulinas dal cumün fusiunà da Scuol. Sper ils sustegn da nodar illas scoulinas da Scuol surpiglia ella a Sent ün pensum da lavur da ca. 30% e parta la piazza cun Rita Nuotclà, chi instruischa fingià daspö ün pēr ons illa scoulina da Sent. No tilla giavüschain da cour ün bun cumanzamaint e blera satisfacziun cun sia lavur illa scoulina da Sent.

Plan da scoula 2021/22

Scoula	Vacanzas
16.08.2021 - 08.10.2021	09.10.2021 - 24.10.2021
25.10.2020 - 22.12.2021	23.12.2021 - 05.01.2022
06.01.2022 - 04.03.2022	05.03.2022 - 13.03.2022
14.03.2022 - 06.05.2022	07.05.2022 - 22.05.2022
23.05.2022 - 01.07.2022	02.07.2022 - 14.08.2022
* Il Nadal da scoula ha lö a Sent ils 24 da december (venderdi)	

Üsanzas

Ftan	Scuol
22 dec. 2021	Nadal da scoula
5 favrer 2022	Schüschaiver
25 favrer 2022	Talocs
26 favrer 2022	Chalandamarz

Sent	Tarasp
24 dec. 2021	Nadal da scoula
1. marz 2022	Chalandamarz

Ardez	Guarda
21. dec 2021	Nadal da scoula
1. marz 2022	Chalandamarz

Dis da festa

1. nov. 2021	Festa da tuot ils Sonchs (be la scoula da Tarasp)
15 - 18 avrigl 2022	Pasqua
26 - 27 mai 2022	Ascensiun + Punt d'Ascensiun
6 gүн 2022	Tschinquaisma


Quist chalender rimplazza tuot ils chalenders chi sun gnüts publicchats plü bod!

TARASPIIT

Novitats da la scoula
primara da Tarasp

Quist comic ha fat la
5./6avla classa.

*Il reporter fa ün'intervista davart
l'ambient intuorn la scoula Tarasp.*



Sain da scoula

Ün üert sulvadi per daplü biodiversità sün nos areal da scoula

Ün pêr classas e las scoulinas da la scoula da Scuol piglian part ad ün proget per daplü biodiversità sün l'areal da scoula in collavuraziun cul Parc Naziunal Svizzer e cun sustegn da la Bisofera Engiadina Val Müstair e la Pro Terra Engiadina.

A mai para quist proget super, perquai cha no pudain lura ir oura a lavurar. Eu chat eir flot cha l'üert as rechatta be davo la scoula, lura as poja verer co ch'el as sviluppa. Cool esa eir cha no pudain planisar il proget e ponderar co chi pudess gnir a verer oura. Ma i's sto far alch chi's cunfà culs bsögn da las plantas e da las bes-chas e na far sco chi plascha a no scolars/umans.

Quist proget güda a no scolars ad incleger plü bain co cha la natüra e las bes-chas vivan aint in lur spazis da vita.

Ils spazis da viver in Svizra van vieplü a perder ed uschè eir ils dachasas per bleras bes-chas. Dürant ils ultims 10 ons sun mortas oura 30% da las sorts d'insects in Svizra, quai sun circa 10'000 sorts plü pac. Ün fat chi ha ün grond effet sün nos ecosistem e chi fa eir ün zich temma. Cun quist proget provaina da dar inavo ün zich dachasa a quellas bes-chas plü pitschnas periclitadas. In vicinanza da la Clozza vaina a disposiziun üna bella surfatscha per realisar quai, implü

lavuraina eir i'l üert da scoulinas. Cumanzà vaina quist on in mai e fini nu saraja amo lönch na, perquai cha'l svilup d'ün üert sulvadi vül temp e pazienza – e quella vaina! Dat eir vo qua o là ün sguard giò da la punt da la Clozza in nos üert!

Ils seguaints impissamaints sun üna schelta our da texts scrits dals scolars e las scolaras da sesavla classa ed ils disegns han fats ils uffants da scoulinas e prüma classa.



Sainza insects vessan no plü paca nudritüra e murissan da la fom. Impustüt ils aviöls fan üna lavur importanta cun impollinar las

fluors per chi detta landroua nurditüra per no umans.



Il meglder chattessa scha no pudessan implantar plü bleras fluors co pussibel per cha'ls insects vessan üna gronda variaziun cun ramassar pollen e nectar. Metter blera laina füss eir üna bun'idea bain realisabla. Ün mür o mantuns da crappa güdess eir a bes-chas plü pitschnas per as zoppar. Quist proget biodiversità es ün'occupaziun cun la natüra, bes-chas e tuot quai chi ha da chefar cun la natüra. I'm plascha cha'l proget es uschè natüral.

Eu chat cool cha no fain uschè ün proget per la biodiversità e cha no pudain eir svesa planisar e fabrichar alch uschè e cha no nu sezzain tuotta pezza in stanza da scoula. Eu n'ha gust cha no fain alch culla natüra e cha

no pudain lavurar tuots insembel. In ün o duos ons vezzaina lura che cha no vain fat e varan gust da quai. Spranza vaina lura daplü bes-chas ed insects in nos üert. Eu giarà minch'eivna via davo scoula a verer che chi

capita cun nossas fluors e bes-chinas. Eu speresch però eir cha'ls insects fetschan lur lavur e chi nu pizchan a no – quai füss seccant!



Adrian Koller
paur



Ana Rita Ribeiro Rodrigues
chürunza (FaGe)



Anina Sieber
commercianta



Bigna Clalüna
cuaffösa



Lara Studer
gimnasi da sport



**Bruno Miguel
Quintela Pinheiro**
10avel on da scoula



Corsin Betschart,
10avel on da scoula



Diana Carvalho Morais
cuaffösa




Elena Niederhauser
droghista



Fila Felix
mürader



Flavio Franziscus
paur



Joao Pedro Jardim Catarino
10avel on da scoula

**Quistas scolaras e quists scolars
bandunan davo 9 ons nossas
scoulas.**

**Per l'avegnir tils giavüschaina
tuot il bun!**



Lino Pua
falegnam



Luca Hajraj
chürunz (FaGe)



Marina Benderer
scoula da sport Mals



Matteo Padrun
scoula media specialisada



Moreno Huder
bos-cher



Reto Truog
10avel on da scoula



Rezia Stuppan
educatura d'uffants (FaBe)



Silvan Barbüda
disegnadur da construcziun
bassa



Timo Curdin Ellemunter
installatur eletric